

As cifras oficiais rexistran 4.747 persoas sen emprego no Val Miñor.

Escrito por Redaccion @valminorinfo
Martes, 08 Maio 2012 23:13



A tradicional pegada da Semana Santa en materia de emprego estivo por debaixo do 2011 na bisbarra. Mentres nese ano as contratacións temporais provocaron un descenso do -2.37%, no número de parados, en 2012 o mesmo efecto reduciuse ao -2.12%. Abril pechou con 4.747 veciños do Val Miñor sen emprego, 103 menos que en marzo, pero 596 casos máis que doce meses atrás.

Nembargante os [datos oficiais de desemprego](#) deixan algúns síntomas positivos. O paro baixa en Baiona por terceiro mes consecutivo, cun -11,93% acumulado no que vai do ano. No caso de Nigrán, o descenso é maior que no 2011 (-3.34% co respecto a marzo) e Gondomar rexistra o primeiro saldo positivo do ano, con 13 desempregados menos, un -0.72% cas cifras de parados un mes atrás.